

Broj: 01-02-3250/2021
Hadžići, 25.03.2021. godine

Na osnovu člana 24. Statuta Općine Hadžići („Službene novine Kantona Sarajevo“, broj: 15/09, 17/12, 10/13 i 14/13 – ispravka, 11/18 i 1/20), a u skladu sa članom 96. Poslovnika Općinskog vijeća Hadžići – Prečišćeni tekst („Službene novine Kantona Sarajevo“, broj 7/18), Općinsko vijeće Hadžići na Petoj sjednici održanoj dana 25.03.2021. godine d o n o s i

Z A K L J U Č A K

o mogućnosti održavanja online sjednica Općinskog vijeća Hadžići u okolnostima proglašene pandemije COVID-19

I

Zbog pogoršane epidemiološke situacije u Kantonu Sarajevo i opasnosti od širenja zarazne bolesti uzrokovane koronavirusom (COVID-19), Općinsko vijeće Hadžići donosi zaključak da se sjednice Općinskog vijeća Hadžići, Kolegija Općinskog vijeća i radnih tijela Općinskog vijeća u narednom periodu dok traje proglašena pandemija mogu održavati i online - elektronskim putem, odnosno putem video linka ili video konferencijskog softvera, a u skladu sa tehnološkim mogućnostima.

II

O načinu održavanja sjednica Općinskog vijeća Hadžići i Kolegija Općinskog vijeća odlučuje Kolegij Općinskog vijeća, a o sjednicama radnih tijela Vijeća predsjednik radnog tijela.

III

Rad Općinskog vijeća Hadžići, Kolegija Općinskog vijeća i radnih tijela Općinskog vijeća i u slučaju zakazivanja i održavanja online sjednica nastavit će se po odredbama Poslovnika Općinskog vijeća.

Odredbe Poslovnika od člana 56. do člana 87, a koje se odnose na sjednice Vijeća, sazivanje sjednica i predlaganje dnevnog reda, kvorum, tok sjednice, odlučivanje i zapisnike primjenjivat će se i na sjednice koje se održavaju online.

Odredbe Poslovnika od člana 26. do člana 28, a koje se odnose na rad Kolegija Općinskog vijeća primjenjuju se i u slučaju online sjednica.

Odredbe Poslovnika od člana 29. do člana 53, a koje se odnose na rad radnih tijela Općinskog vijeća primjenjuju se i u slučaju online sjednica.

IV

Zadužuje se Općinski načelnik da, u slučaju održavanja online sjednica Općinskog vijeća, putem nadležnih službi obezbijedi tehničku podršku za nesmetano održavanje sjednica.

V

Za prisustvo online sjednicama primjenjivat će se Odluka o naknadama vijećnicima i članovima stalnih i povremenih radnih tijela Općinskog vijeća („Službene novine Kantona Sarajevo“, broj: 6/17), Odluka o naknadi za rad članovima Drugostepenog organa za žalbe („Službene novine Kantona Sarajevo“, broj: 14/03) i Zaključak broj: 01-01.2-8712/2010, a na osnovu utvrđene evidencije o prisustvu koju će voditi sekretar Općinskog vijeća.

VI

Ovaj zaključak stupa na snagu danom donošenja, a u slučaju održavanja online sjednica javnost će biti upoznata putem zvaničnog web sajta Općine Hadžići.

Predsjedavajući
Općinskog vijeća Hadžići

Mirza Mušanović